

何大復先生集卷之十三

○七言歌行三十六首

○○石齋歌

濯錦江中錦為水白石粼粼映江底江頭齋閣石嵯
峨卜築題名摠因此崖撐壑拄盤天地產秀生神豈
人意日月宵通灑瀨根風雲晝吐岷峨氣明公少年
天下奇琅玕五色動光輝扶踈太華仙人掌照耀銀
河織女機明堂大厦要梁棟不獨文章翰林重懸磬
真諧韶濩音國琛果獻珪璋用公登雲閣望雲林霄
漢長歌白石吟功成思袖補天手力在寧忘障海心



衛公德業懷應滿李相風流今不遠海內完名已玉
成平生貞志同金斷萬里橋邊綠竹園百花潭畔平
泉館待公一起慰蒼生還卧西山未應晚

五馬行

使君五馬來月氏方瞳夾鏡光離離長身峻耳高七
尺錦雲罕地玉花赤杏韉蹙蹙雙盤龍文羈翠刺金
玲瓏青絲遊韉縮不住鐵色蹄翻錦苔地天閑沙苑
貯幾時一朝分賜使君騎使君行春常露冕緩鞚張
油下山縣朱文露網動輕車四野人家望通幟去年
來時楚江秋長鞭馳過黃鶴樓楚城駿馬千萬匹解

鞍坐視不敢傳今年朝天入五鳳紅纓寶玦連錢重
曉隨鸞聲撼玉珂九陌風微塵不動天子命下巡
吾州輝光重整金絡頭吁嗟吾州本狹促迤徑寧當
千里足行行前駕肅且閑郡人遙望雙旌竿馳道父
老應開顏區區狐豕誰敢前桑條吐葉青鬱鬱滿路
春塵繞車轂使君不惜驅馳勞無令暴吏登民屋出
門一送五馬行我馬踟躕皆不鳴相逢同是他鄉客
惆悵城邊暮春別山亭草色細雨時野館梨花寒食
節夕陽微微鄴城樹寒烟漠漠淮川月願言努力策
霜蹄千金重有登臺期

〇〇憶昔行

我年十一十二餘與子握手相懽娛嚴君視我猶視
子日向庭前問詩禮我亦視君如弟兄夜入同衾晝
同起當時見子已不群紅顏如玉目有神花邊燦燦
丹鳳雛天上矯矯石麒麟笑予是時尚垂把筆從
君弄文翰聯翩白馬控雙御出入城中誰不看我當
辭歸君失懽徘徊欲別良獨難別來有懷徒悵望夢
繞秋風沁水寒杳杳雲鴻異鄉縣十載長安見君面
昔別未冠今已婚回憶少年空嘆羨一官碌碌經三
春二十光陰似飛電君有長才未得施卧龍儀鳳猶

棲遲男兒成名在少壯感會風雲湏及時人生聚會
豈常有但願相知不相負君不見古來金石交結髮
寸心期白首

〇〇崔生行并序

〇〇予之至京師也友人崔太史子鍾見之曰久不
聞何子言矣為我作崔生行

崔生自返金陵謫騎馬復走長安陌時危頗負經濟
才海內俱一作識文章客自從盜賊近神京四海不
見烟沙清黃河流血日慘怛中原戰骨霜縱橫朔方
兵馬又已弱天下財賦難盡權書生不得言世務大

臣誰有匡時畧我到長安訪交友子與河內猶相厚
感君戀故有綈袍吐膽傾心共杯酒六年更見玄都
花萬事空傷薊門柳河內憂時未解顏子亦談兵不
輟口金礦玉璞隱光曜紫氣龍泉鬱盤又議論及遭
時輩忌形容豈免流俗醜王良伯樂不在御驂騮騾
裹徒能走人言古人未可輕古人徃徃皆無成子雲
老大不曉事殷浩當時空有名事去惟應嗟白首時
來未必濟蒼生即今風塵尚瀕洞羽檄飛符遞相送
西北山河戰角悲東南天地軍麾動江海未見魯連
耻 朝廷不聞賈生慟塵埃早知木質殊霄漢况覩

名聲重闕宮清廟待琴瑟大厦明堂要梁棟天生公
等世所須努力他時有大用

憶昔行

并序

○○予上京師之二年汝正有湖南之行新政弛廢
○○故人幾何晤語未諧離告又即愴然悲歌不能
○○自己感念徃昔要之將來耳

憶昔長安相會日君方壯年我年小只今容顏有更
變何況世事無紛擾 先帝衣冠半零落十年賓友
全稀少君今始作紫薇臣笑我金門落魄人馮唐上
書亦嘆老子雲識字空愁貧艷陽三月桃李耀君非

壯年我非少花開酒熟君遠行可惜春風阻懽笑明
星迢迢車關關遙向楚水辭燕山但看朱紱在腰下
莫使白髮生顱間武昌城邊江色濺襄陽漢水尤堪
羨東行何日訪鱸魚南飛不得隨鴻鴈少癖山水耽
雲松兩年楚上多行蹤浮湘直下三千里望岳遙瞻
七十峰知君跌宕輕駟馬顧予豈是功名者安得浮
沉 帝座傍會須覽眺蒼梧野蒼梧風烟秋色開武
昌高樓吹笛哀帝乘白雲去不返仙人黃鶴何時來
君行訪古兼化俗長楫輜軒指南極岸上遊穿羆虎
林潭中坐傍龜鼉國他時倘覓桃花源壯風為爾傳

消息

田子行

君不見黃河西來北入海千載却倒東南流淮水如
絲納九曲桐栢山作崑崙丘我家清淮邊君家大河
側開闢二水今合同人生變化無南北田子之生河
降神十五手掣生麒麟二十辭家觀國賓三十謁帝
為近臣赤墀青瑣日月上金馬銀臺河漢津自矜一
身遇明主便欲登天叩天鼓天門晝關守虎豹雲師
屏翳雷公怒烟氣縹緲隨飛龍電光閃爍笑玉女太
清星辰下羅列歛忽聞闔生風兩丹誠不回白日照

杞國憂天獨勞苦我持彤管雙鳳翎浮沉 帝傍近
紫庭文園著書久消渴據地酣歌常不醒長安少女
花在側茂陵美妾空娉婷漢皇不好相如賦方朔誰
知是歲星愛君襟期特奇邁諫垣給舍持風采平生
古今開萬卷搖筆風雲動五彩致君堯舜豈無術許
身稷卨終難改袖中一札諫獵書三歲磨滅未見採
鍊石何時更補天銜沙枉自思填海君不見楚人當
時不識玉海客無心采明月明珠暗投反按劍白璧
三獻還遭刑連城高價後始定照乘奇光有時發鳳
凰不及鷓鴣鳴駑駘却笑驂騑拙君不見長孺從來

歎積薪公孫布衣為漢臣千秋開口取卿相董生白
頭甘賤貧萬言不如一言重直絃曲鈞安可論賈生
何能善絳灌任安徒事衛將軍我今與子俱落魄過
飲悲歌慨今昔咸陽酒客五花馬邯鄲博徒千金擲
古來豪俠亦可喜可憐聖賢皆厄塞豫章干雲世希
用龍泉貫斗人難識神駿翻為轅下駒冥鴻已愧籠
中翼出門與子常相憶清淮大河見顏色

樂陵令行

山東郡縣一百八無有一城無戰場到今漂血成野
水如山白骨橫秋霜雲臺功高將不收投筆亦有書

大復集卷之三
生謀黃金大印賜豪貴白面豈得言封侯唐朝公卿
集如雲平原太守名不聞二十四城見賊走抗城乃
是平原守君不見前者寇盜時縣吏州官各亡命北
梁白馬終日行濟上黃旗錯相映不聞開門戰但聞
開門迎嗟乎平原太守樂陵令

少谷子行

少谷子在武夷之山二十抱策叩燕關朝排閭闔暮
湖海九霄萬里身翻攀豈徒聲名冠帝里要使踪跡
窮人寰竭來京華始一識意氣形神兩相得肺腑真
成水石痼詞章亦帶烟霞色龍姿鶴性不易馴海思

江情浩無極頃將東遊觀岱宗便欲下泛滄溟中鼉
風奔浪岩洞黑翳自壓山樓觀紅南浮江淮覽吳越
復上會稽探禹穴去鳥晴生鴈宕雲飛虹夜躡天台
雪波濤窈渺岑巖移遍訪名山入武夷仗劍不憂百
怪出采芝或得群仙隨只今妙年始三十辭官讀書
志何逸九曲烟花對草堂三山蘿月開芸室已看鳳
凰在千仞回首驪駒空萬匹八月高城氣稍勁派螢
木葉交相映燕山遊子落日吟海濱歸客秋風興他
日遙尋少谷峰武夷莫作終南徑

九九 九川行

君不見自從天地開天下之水皆西來黃河崑崙一
線出下轉秦甸轟奔雷長江廣漢兩盪瀟濁涇清渭
中縈迴帝遣九龍下治此江漢安流涇渭理華嶽中
斷仙掌高却放黃河行萬里九龍蜿蜒上天去至今
猶餘九川水秦中雲雨四時通北地塵沙幾回徙我
來長安不見九川水得見九川子九川子是非常人
朝辭川上麋鹿群夕登青瑣為帝臣已從華袞補
日月况執彤管排風雲長風西來吹北極西望川流
渺何極野岸空懸舟楫心塞林暮繞波濤色吁嗟江
漢猶阻兵中原不見黃河清虺蛇豺虎滿道路黃埃

濁浪無人行九川子何不更鞭九龍起坐視天下橫
流水

〇〇 送葉生還閩中兼懷鄭繼之

葉生行吟燕市中葛巾麻鞋歲將晚兩都為客今始
歸五岳尋仙不辭遠江南畫舸春柳低海上茅堂白
雲滿谷口如逢鄭子真為道棲遲未應返

送林利正同知之潮陽

憶在成均共携手泉山門下相知久萬里恩情若父
兄十年道義慚師友君才豈孤一第名佩刀今作嶺
南行掛帆夜宿天邊樹伐鼓朝登海上城燕京相逢

九德集卷之三
八
顏色好相逢何難別草草過家登堂壽禮畢道子問
訊泉山老

○金陵歌送李先生

李公為舅有呂甥甥舅四海皆知名呂君關西昨日
去公自金陵來復行金陵江水無斷絕金陵之山高
截截龍虎千年抱帝京星辰萬里羅天闕白鷺洲
前芳草歇清江浦上看明月燕山北望花如雪

今昔行送何燕泉

君不見燕泉何子生南岳十八名聲動江海年今四
十少方伯富貴由來重文采金章紫綬乃自致黑髮

紅顏未曾改憶初射策逢先皇我為進士子為郎

芳花醉踏清沙苑春樹迎開畫省堂每投桃李報瓊
玖多謝相知更相厚倚玉元非異姓兄斷金况是同
心友寧知世事多變更岐路人間各分手四海風塵
半甲兵十年意氣還杯酒子方出守紫薇垣予亦棲
遲金馬門黃金盡識故交態白壁翻思明主恩中
原送別哀離亂汝水嵩川客心斷行馬秋臨清洛流
戰場暮吊黃河岸薊桑青青燕草碧梁王城邊杏花
白功勳名位行有期慷慨為子歌今昔

同崔子送劉以正還關中

燕川芳草歇已久行子西行更回首駿馬春停渭曲
花金鞭暮指秦中柳看君兄弟皆豪雄十年側想中
丞公東山雲月卧未起北海賓客誰相通荷花初紅
酒初碧汝歸登堂見顏色若問長安舊友生崔何二
子常相憶

○ 醉歌贈子容使湖南便道歸省兼訊獻吉

徐卿此行壯觀莫與伍東將入吳西入楚都門悵飲
慨今昔酒酣拔劍為汝歌起舞 聖朝分封重茅土
詞林禮樂超前古冠冕諸邦拱 至尊冊書十道開
天府匡廬峰南繞江漢洞庭武昌半樓觀壽酒花開

八利本漫帳飲
名世地存為石

海上堂使舟草滿湘西岸憶卿翻飛霄漢裏結交豈
少青雲士眼中何人最知己十年之交吾與李李生
近買陽羨田又欲鼓柁襄江船風塵落日倘相遇為
我問訊江湖前

薛生行

君不見少府忘年交襮衡中郎倒屣迎王粲坐間賓
客盡傾倒海內賢豪流英盼古人愛才今不如薛生
豈得無嗟嘆昨來布衣見 天子日向長安乘欵段
公卿門前耻干謁東歸把釣黃河岸年少今看萬卷
開遠遊自負三山願丈夫有才須用世未許終身隨

草蔓閑居好著子虛篇行路長歌白石爛

○○晚過田水南有贈

田郎閉門著書今幾卷我欲與子數相見
譚浪雖稱青瑣賢經過罕識黃門面
長安雨積鞍馬稀堂下苔生集秋燕
四海何人問草玄一經徒使桓譚羨

延津歌送韓令

延津寇過餘少男延津縣令莫停驂
雙鳧直向黃河北一鴈先飛清衛南
黃河岸邊不種麥濁浪滔天多賈客
城中少男爾勿愁縣令到時為買牛

谷進士宴歸圖歌

五城十樓春窈窕九衢夜半人行少
月高醉客金鞭垂花簇銀鞍弄驪裏
我皇九載羅豪英坐收四百皆才名
四百人中見谷生綠袍白面誰不驚
谷生自昔中州士布衣三來謁天子
十年讀書梁王臺一日走馬長安市
長安鍾鼓聲入雲相逢却避新郎君
赤鯤在天振羽翼神駿得路超凡群
嗚呼此圖人共羨已識君身不貧賤
萬言莫忘北闕書千載常記南宮宴
嗚呼此圖人共羨

遠遊篇送楊中舍承家雲南省墓

君不見昆明池去京一萬里山盤海曲在天上日轉

星旋羅地底生神發秀千百年太宰源流自茲始七
歲辭家朝 帝京登台踐斗榮身名水木更起丘原
情請 帝帝遣中書行中書此行 天子重赤車駟
馬都人送岳樓畫錦湖光開京口春帆江色動瀟湘
鼉鼉經水國衡巫瘴癘雲來黑銅柱標南問南紀錦
官城西指西域揮毫憑軾驚蠻夷却似太宰中書時
相如使蜀人同羨遷史浮湘志自竒憶昔滇中為使
者黔公宴我滇山下酒罷曾彎壯士弓賦成尚倚將
軍馬今日看君萬里歸山川草木倍光輝公卿禮數
古來少父子聲名天下稀五華岡頭日朝放點蒼山
北雲如障遠遊可樂須早還 帝里親闈兩相望

裕州行

今年春夏雨不絕黃河以南漸殺麥裕州城中十萬
家自經寇盜惟黃沙名商大賈歲不集新絲舊穀嗟
何及郝侯五馬天上来寒帷露冕開風霾教農服田
賈服賈只有牛馬無豺虎

石川子歌

石川之水東流入東海濤雷瀨雪幾盪齒白石爛爛
色不改泰山差我青石室樓閣窈窕雲霧密懸峰
牖瞰海底紅輪倒影扶桑日波上三山渺安在海靈

冥冥現百怪蛟螭九首盤為梁神仙萬古長相待石
川子七年葺茅卧烟島餐藜被褐身懷寶海東隱淪
見面難地北潛夫著書早自從召起縮銀章常夢山
中把瑤草白雨青蘿晝自垂沙風赤葉秋空掃京華
相遇謫一作識仙才笑解金龜沾綠醅花邊昔放雙鳧
去雲裏今騎一鶴來蔣琬元知非百里李渤終為諫
官起冥鴻逝鵠須爾期天路雲衢自茲始君不見魯
門海鳥本避災國人祀之反求福雖有鍾鼓羅玉饌
驚鳴駭顧安能食男兒固要為龍蛇胡為屈身終日
隨塵沙

杏林曲

君不見蕭御醫何年種杏成杏林霞蒸日爛開芳甸
門庭垂實虎晝守飛花九陌人人羨菊泉橘井俱仙
靈豈如萬樹春風散 今皇御醫皆不賤麒麟緋袍
常引見奉 詔時翻本草經承恩數錫仙桃宴君今
一身官未尊白頭抱藝趨金門輕財重義世罕比起
死回生不自論林中有草金光映服食可以延壽命
蕭君蕭君進此藥令我 皇帝萬歲無疾病

〇〇周儀賓朝天歌

周君來從大梁發搖鞭却指秦樓月燕山臘盡春未

生可憐裘馬衝霜雪憶昨雲霄謁帝關春卿引見紫
宸班天門九重羅虎豹一月不得朝龍顏館甥帝室
恩數少尚女王家禮非小中山更傳聞樂對陳王亦
進通親表伊昔梁王全盛時車騎從官皆漢儀遣使
常聞八珍送入朝數賜飛龍騎百餘年間事勢殊諸
侯出或乘驢車朱門賓從想冠劍白頭王孫行路衢
君歸為我一問訊梁園賦客今何如

○○ 送五清先生赴浙江提學歌

天台文宿衝紫霄先生奉勅馳星輶越山桃李花萬
樹春色早渡錢塘潮憶昨先生遭斥逐漂泊湖相望

巴蜀九江鴻鴈春冥冥七澤龍蛇書盤曲洞庭天高
急霜霰冰河雪岸開燕甸壯來驄馬一日聞傾都走
識先生面十年卜築楚村墟萬里今瞻漢宮殿當朝
門生貴不少 先皇學士人猶見金門誰留供奉班
銀魚舊錫恩榮宴長安春回獨回首翠烟漸入龍池
柳薊門禹穴自此分送餞先生百壺酒丈夫輾軻心
不疑賢聖流離古未有已看身作指南車况復名高
懸北斗隋珠和璧世珍重眼前點毀終難動聖人不
久奏雲門海內近亦求梁棟琴瑟須聆清廟音豫章
且待明堂用我聞衡嶽與天參七十二峰江漢南不

然從此可棲息無使天柱石鼓空巉巖

贈范君

桂陽之山石巉巖四時雲氣流杉松江開秀色蟠三
楚天削芙蓉羅七峰翩翩烟霧下鳳鷲往往霹靂隨
蛟龍鍾竒產異理亦有黃金丹沙間瓊玖何況人傑
非地靈碩士名儒映先後君山燕泉各一時晚逢范
君亦其偶范君古貌更好古問之君山乃其祖學海
遙聞前輩風辭場獨覺良工苦君為進士宰江縣頗
厭簿書耽筆硯神龍未應困泥滓驂騑會自追風電
君山十年絕相見見君如見君山面燕京四月花滿

甸邂逅不得同遊宴花間送爾雙鳧翔廬山高橫
玉梁雲停鴈過一回首月明琴靜誰舉觴我自辭家
來帝鄉宿賓舊友稀登堂悵望南邦思桂陽感今道
故增悲傷

相逢行贈孫從一

長安風吹萬楊柳與君走馬相逢又昨朝邂逅尊酒
間二十年来一回首我官十年前君官十年後眼底
相看已壯齡世間萬事真翻手憶初少小來東曹君
家兄弟同遊遨尚書庭前兩玉樹白日燦爛秋風高
爾時見君氣已豪花顏雲髮青錦袍石麟在天動鱗

甲赤鳳排雲生羽毛只今骨格殊恒調傾都見者嗟
英妙恨不置之玉堂賓誰令久待金門詔永嘉山水
稱絕竒且與謝客同襟期花裏開簾仙吏出松間著
屐山人隨尚書風義古無比如君更是尚書子尚書
東山閒白雲高卧不為蒼生起漢庭我亦東方生悵
望名山無限情海雲浩歌起春色送爾萬里東南行

李大夫行

君不見大梁李進士年未三十官大夫金鍾翠釜識
國器汗血飛黃看過都昨來走馬長安道一日聲名
盡傾倒墨卿學士兢迎致搖筆登壇為揮掃盧前王

以

後不足論曹劉沈謝升堂早我方避世金門前君獨
時時問草玄金聲一擲天台賦鳳沼常留春草篇憶
年二十當弱冠結交四海皆豪彥文章天上借吹噓
杯酒人中迴顧盼十年流落失邊李詞場寂寞希篇
翰自從去歲得李薛令我倡嘆增顏色對坐相看兩
鳳毛破圍實藉千軍力安陽崔史文絕倫意氣頗與
二子親蘇臺徐卿愛才者曲巷往往停車輪斯文在
天未墜地我輩努力追前人波頽瀾倒挽一髮鯨翻
鼇擲爭嶙峋薛生歸釣黃河岸君亦遙維沔川纜霄
漢終還五馬車江湖暫解雙龍劍古來丈夫或未偶

畏途輾軻無不有李廣羞過灞上亭賈生愁醉長沙
酒倘遇馮唐老見君一言更薦雲中守

海山謠壽李宗伯

一鶴東北飛徘徊若返顧仙人乘之海外來衣裳窈
窕流雲霧碧海三山列仙園貝宮差峩羅萬牖上臨
紫極躡三台下見瑤京開北斗手發玉絨龍虎文再
拜遠為尚書壽尚書巖巖霍岳姿身長八尺揚脩眉
夜懸赤烏星辰側畫入銀臺獻納司 先皇舊臣盡
雲卧爾時出入名聲播二十餘年列九卿近日新銜
叅八座海內清心祗獨知當朝苦節誰人過海門波

濤春吐吞中有桃樹盤石根千年柯幹撐日月萬里
枝葉垂崑崙觀圖願君壽與比長為梁棟留乾坤

河嵩篇壽張母

梁王古城河水頭北堂坐對嵩山丘雲間二室三花
樹天上崑崙九曲流絳霄寶婺光射地星宿潛通河
嶽氣絨書爛熳歌白雲長安遠附青鸞使

古愚翁挽詞

古龍啾啾啼劒井井底秋泉七星冷漪蘭堂上瑟不
鳴悽調空懷金石聲劒亦不復得瑟亦不復聞悠悠
何處尋封君何處尋封君林壑幽鬼風雨黑錫山崔

九德集卷之三
三
鬼暮峰影吳江慘澹秋波色江之南山之北松梧幾
樹封君宅來往徘徊嘆行客

〇〇 哭幼女行

二十生男不解愛頗厭世間兒子態年來抱女心甚
憐却悔從前空慷慨女生一歲眉目揚笑指兄姊羅
成行鏡裏嬌啼映牕牖床前學步牽衣裳春風吹鬼
魂不住來從何來去何去錦襦曾占夢月時玉錢又
哭埋香處乾坤得失安有憑昨日樂極今哀生常怪
他人不快意乃知我輩真鍾情皇天能生亦能死造
物弄人每如此雲散雲凝亦偶然花開花謝緣何事

婦人性癡還過傷奔走叫號如病狂作詩示妻兼自
解轉見人聞父母腸

馮都督歌

都督猛氣世不多一日百戰千里過賊頭纍纍十馬
馱東至滄海南黃河宋門西平傳凱歌洛水轉鬪風
揚波虜營書雨淋滂沱面貫雙箭猶揮戈君不見諸
將歸來金滿室生封萬戶食千邑都督河頭死為伯

三山春宴圖歌

自有三山鎮京口形勢跨絕東南山江吞海吐互變
見參天峙地何噴岌憑風倒影萬樓閣動搖縹緲虛

無間色開馬上金銀闕氣接天中龍虎關我從唐翁
畫圖見大夫指點三山宴仙人驂鸞倏來往烟鬟霧
珮流雲霰江桃千春一放花海桑亘古終難變開圖
為駕長生詞却訝丹青山水奇白浪閃灼金芙蓉青
天靜拭青琉璃蓬萊下用六鰲載緱嶺遙將雙鳳騎
地靈生人本非偶禱尼降嶽理亦有大夫家住三山
口綵衣歸來奉翁母願言壽比三山久

○○ 王都諫畫鷹歌

蔣生畫鷹筆勢何昂藏塞林海障產真骨歛爾飛立
都諫之高堂千年古色動崖壑一匹素練開風霜都

諫常稱蔣生筆此鷹神駿果無匹乍見遙驚俊思生
細觀轉覺奇姿出人間鷲鳥各異種紛紛搏擊相矜
寵飽颺饑附更誰憑掣臂翻鞞空自勇此鷹不逐群
鷹飛亦似都諫獨立霄漢當天閣羽毛森然振赤日
意氣矯欲排翔雲君不見郊原白日荆棘簇射獵無
人敢馳突樹裏鷓鴣尚九霄草中狐兔仍三窟爾鷹
爾鷹安得一起乘高秋惡鳥不鳴獸辟易再使郊原
麟鳳遊

題袁惟武鷹熊圖

林良畫筆真絕倫蒼鷹玄熊俱有神白頭翁鳥更相

共毛羽遙看欲飛動空山古林霜色高秋天骨勢何
其豪猛氣應知萬鳥避威風頓使群狸號畫史當年
元有意表君意氣還相似執節寧辭皓首心承家况
是青雲器圖龍寫鳳皆可羞此幅未許千金酬世間
玩物不足貴要見英雄到白頭

何大復先生集卷之十三

何大復先生集卷之十四

○七言歌行三十六首

○○赤壁圖

周郎舳艫大江半曹氏旌旗眼中暗當時萬馬下中
原江水千年餘斷岸黃州逐客玉堂仙停舟到此悲
秋天龍爭虎鬪慨往事酌月酬風懷昔賢古人今人
皆已矣吁嗟丹青乃誰子赤壁之山只如此

○○劉武選百鳥圖

嗚呼鳳凰不可見人間百鳥空啾啾西飛鸛雀亦五
色滿眼誰別象灣傳劉侯此圖愛者衆畫手莫識元

與宋粉繪剝落絹素新萬羽千毛尚飛動侯言此畫
先人傳珍藏未肯統南貢十襲翻金錦繡輕百年轉
見丹青重頃來數相見手携登我堂開圖見百鳥從
雙鳳凰鸛黃鳥黑隄可辨行鳧立鷺送相望延頸戢
翼各拱向宛如萬國臣妾朝天王君不見蜀道阻絕
岐山已頽瀟湘無人衡岳崔嵬竹實未結桐花不開
鷓鴣怨杜鵑哀鳳兮鳳兮何時來

○○○畫竹

殷君示我林珣竹臨風寫雨奪天巧尺縑蒼筤只兩
根氣勢已覺千林少蚪蟠鳳起條有神出雲入霧何

縹緲聞君魯門西草堂萬竿白日森烟霜怪道君身
瘦如竹只對此君不食肉

○○○雷黃門凱旋圖歌

漢家賊盜臨京都西衝河塞東海隅虎豹奔突豺狼
呼天子九重怒按劍將軍五道催飛符黃門鐵鞚按
營壘監視將軍奉天子征者不憂居者喜曉戰遙隨
金鼓前畫行獨擁旌旗裏烟沙忽傳畿甸清黃門奏
捷旋神京將軍歸來天子迎冊書十萬納御府勳級
三千羅紫庭封侯拜將珥貂列白金緋衣照雲月黃
門功多不自說受職元看陸機小却賞誰知魯連潔

高堂白日披圖新戎慘澹、猶風塵坐令慷慨悲今
辰書生從此識汗馬大夫常憶畫麒麟

○ ○ 呂黃門畫竹歌

黃門持此竹云是溫嶽筆初聞一葉掃風雨迥出千
竿貫霜日層沙曲澗開烟湍高天雲影棲榭寒黃門
峻節與之比手排閭闔呈琅玕琅玕推折鳳不食吃
哮虎豹天門黑鳩鳴鴉啼百草死誰看青、滿林色
君收此幅今西行雷電隨入滿州城龍盤嶰谷山中
石更待伶倫截鳳笙

彭中丞四民圖歌

漁舟暝入桃花潯春山如聞樵採音高原犁鉏破烟
雨書閣窈窕穿松林中丞雅愛山水障清晨自掛高
堂上綠樹逶迤轉衆流白雲合沓開層嶂萬里寧論
戰伐功百年宛見升平象憶昨寇盜日橫行中原白
骨哀蒼生携男抱女路新絕痛哭不見天邊城漁奔
樵竄學士徙縱有隴畝無人耕至尊九重憂旰食命
公殺賊、始平近郊無復我馬迹比屋仍傳雞犬聲
明公壯年心許國何況此身際日月二載驅馳掃漢
南一時談笑清河北出關三分大將旗來朝獨擁諸
軍節樂土重開白日光普天不動黃塵色即今西戎

忽復驕朝廷親遣霍嫫媼已聞土魯還金印不見中
丞下赤宵形像雲臺猶未畫姓名麟閣早須標開圖
更賦出車什四海甲兵從此銷

○○ 桃源圖歌

昔我遊武陵坐石窺桃源岸坼丹洞閱風迴綠蘿翻
崩崖奔古月沓嶂響哀猿行車一以過始知人境謫
真陽仙令歆南往手持新畫來相訪武陵山水久不
覩今晨置我高堂上巖穴如聞雞犬聲村墟但見桑
麻長髻髻潭水濱點綴桃花春山川似晋代衣服猶
秦人回首茫然一烟霧尋源誰復知真處投箸福地

終有期畫中先認桃花樹

○ 吳偉江山圖歌

吳偉老死不可見人間畫史空嗟羨吾觀此卷江山
圖飄然意象臨虛無想彼濡毫拂絹素酒酣落筆神
骨露萬里青天動海岳空堂白日流雲霧洲傾岸側
波嶺銜高嶼倒影翻源潭江邊萬舸一時發中流颭
颭開風帆濤湧浪勢難久漁子舟人各回首去鴈遙
知七澤中落花誤認桃源口烟峯蒼茫貌二叟面髮
衣冠頗麤醜石林沙草恣點染舒卷滄洲在我手憶
昨弘治間偉藝實絕倫供奉曾逢萬乘主招邀教過

諸侯門京師豪貴競迎致失意往之遭呵嘆由未能
事負性氣輒軒貧賤終其身嗚呼吳生豈復作身後
丹青轉零落殘山刺水片紙貴百金購之不一得此
卷流傳天地間我即見汝真顏色

○○張季升望雲圖歌

黃門身在青雲上眼中白雲日南望白雲飛入楚山
裏封君之堂應在此俞卿善畫更能賦畫間青瑣開
縑素晴窓落筆白雲生寫出黃門萬里情

○○塞垣秋獵圖歌

邊沙蕭々天北風高林盡老鞍馬雄健兒裝束好身

手真與此圖形貌同冬寒獵傍長城窟城下平原日
將沒呼鷹放犬無不為教騎灣弓競馳突月高琵琶
海西城拂廬雪乾氈解輕金鍾酒劇亦易醉玉旆驅
嘶驕不行紫鞍翠勒錦戟裙抽箭仰視天山雲霧中
若認射鵬手漢家誰是李將軍

○○畫馬仍

畫馬如畫龍縱橫變化當無窮吾觀月山子落筆窺
神工曾向天閑貌十馬十馬意態無一同此馬傳來
幾百年古絹猶開沙漠風樹裏河流新過雨簇々草
芽寒刺水圍人雙牽臨水邊草色離々亂雲綺令人

疑到渥、傍波底風雷鬪龍子細看不是白鼻騮恐
是當朝獅子花紫燕纖離各惆悵其餘驚者何足誇
憶昔愛馬不惜千金貨君王勤政樓頭生殿奴黃衫
雙繡靴攬身騎出樓前過紅帕初籠汗血香玉鞭輕
拂桃花破吁嗟玩物竟何益遺跡徒使丹青播只今
烽砲西北來沙塢未聞千里才千里才固有時回頭
為問御者誰君看赤驥與騏驎挽車太邈嶺心期田
子方踟躕駕頃轅霜凋首宿漢郊冷骨折秋風自嘶
影君不見古人養馬如養士一飽能酬千里志今人
養馬如養豚廐下常堆炭藜刺古之良馬何代無可

笑今人空按圖

〇〇畫鶴篇

昔聞少保寫青田古墨千年人不傳即君此幅何時
得蕭颺秋堂掃烟色雪翎風翼如有神萬里出海誰
能馴我初見此鳥重是仙人禽朝飲玉河涓暮宿玄
圃林回首寒江鳧與鴈日晚哀鳴羨霄漢

〇〇赤壁圖歌

老瞞橫槩江之臬眼中吳越一秋毫吳人鼓弩來江
左江頭烏笏畫舉火旌旗飄揚北風前舳艫化作江
中烟英雄一去音塵滅逝水殘山弔詞客白雪堂寒

草烟暮黃泥坂下臨皋路酒酣喚客吹玉簫江風山
月不待招昔時霸業那足數鶴夢悠々眇千古回首
東坡百世人圖畫蒼茫空有神

〇〇 畫山水

蜀溪繭紙明如練并州剪刀碧雲新泥會作繪誰所
為華堂粉壁光凌亂枳花竹葉春江曲江頭無人水
空綠逶迤石筵林中出草碧沙明淨江日欲覓秦人
武陵下不見溪邊種桃者高樓窈窕鎖烟霧只疑行
畫瀟湘路瀟湘却憶舊時遊紙上烟波生暮愁

〇 畫菊歌

楊郎畫菊只二本千花萬草無顏色夏卿墨竹差可
比陶生桂樹可須得徐君向我誇所有閣中携此更
携酒翠幔披雲出院遲金杯映日凭闌久深黃穠紫
雜烟暮想見五色臨揮毫叢篁瑣碎白畫靜錦石
爛熳霜天高楚江茅堂若在眼鳳闈彤闈對秋晚白
葛飄零處士稀朱絃寂寞佳人遠寒香晚節真可憐
惜哉楊郎不在前開窓為我拂絹素落筆點綴黃金
錢徐君徐君珍重此君不見天寒歲暮百草死綺羅
無地看堯李

〇 題文與可畫竹上有東坡山谷題識

客從南方來見予手持錦軸長丈餘云是與可之畫
蘓黃畫中堂展玩思超忽四百年來真故物敗素飄
零色已改古墨慘澹神猶發文生此竹世希有枝枝
不異雙瓊玖冥、烟幹動石壁瑟瑟、風葉臨牕牖筆
下何須掃鶴竿胸中已自橫千畝眉山長公元檀場
豫章太史誰可當片言相推四海重隻字尚使千年
藏客從何處得此幅令我嗟嘆久憐惜蘓黃不作與
可死人間書畫無真跡勸君寶此勿輕擲

題黃車駕畫竹

畫竹忌屈不忌直息齋由來有筆力今之畫圖幾百

年人間尚自留真墨空堂畫掛風雨寒明滅纖霧生
微爛細觀見竹不見畫何時石上刻此三琅玕八閩
高士黃司馬平生好文兼愛畫碧草停珂夏省中白
雲捲幔晴牕下每逢賓客出評品遂使破素增高價
開圖似惜孤鶯叢胡為寫置荆棘中君不見洞庭之
上瀟湘岸翠篠修篁沙草亂鳳凰不棲鷓鴣怨

吳偉飛泉畫圖歌

長安獨過田子舍留我一玩飛泉畫絕壁如聞風雨
來晴天安得蛟龍掛吳生跌宕得畫理潦草落筆
皆可喜飛泉却出香嶂間即山真山水真水客堂六月

生畫寒耳中髣髴高江灘源潭窈窕不可測波浪洶
湧多奇觀泉邊二老顏色異偶坐似是莊與惠萬里
誰論到海心百年詎識臨淵意偉哉田子今儒宗文
標南指匡廬峰不須對此更惆悵會觀瀑布青天
上杉風松日隔縹緲雲龍雪灑何雄壯我常夢往神
空向豈無吳生好手筆為我寫寄廬山障

〇〇 畫魚

大魚昂藏若人立衝波跋浪風江急傍觀二鯉各有
神倏忽波濤隨出入中堂髣髴動杳冥坐久始識為
丹青天萬里拂絹素筆力咫尺開滄溟禹門天地
雲霧裏白晝雷霆行地底何人有力移置此酒酣相視
一改容只愁化作三蛟龍

〇〇 題大司馬王晉溪先生十牛圖

君不見將軍臺閣龍圖張何人畫牛司馬堂十牛哉
角垂其耳掛之中堂見者喜風林烟草恣牧放水涉
沙眼無觸觶黃犍黑牯舐肉真司馬堂中安用此豈
知此物公所珍展畫似對桃林春高亭青松拂赤日
南山白日消黃塵攻駒不羨三千牝考牧歌還九十
將尚書況登奉兵部天營十二屯貔虎南征北伐運
籌策破虜擒戎在樽俎已看神武藉經綸要使蒼生

有環堵蒼生十年望藜息海內荒城久棘荆犂鋤未
慰三農心輸輓空嗟萬夫力我知明公分主憂坐清
寇盜安王侯沙場之地皆田疇盡却戰馬歸耕牛君
不見中堂北圖日張掛丹青照耀麒麟畫

〇〇 點兵行

先皇簡練百萬兵十二連營鎮京觀團營十萬更精
猛嗚呼耗減今無半昨傳胡入白楊城有勅點選營
中兵軍中壯丁百不一部遣老小從征行自從御馬
還內廢私家馬肥官馬瘦富貴輸錢脫籍伍貧者驅
之充介冑京師土木歲未已一身百役無不受禁垣

西開鎮國府內營晝夜羅金鼓四家驍健三千人出
入扈從圍龍虎邊頭城塹誰營屯遂使犬羊窺北門
天清野曠恣剽掠百里之內烟塵昏肉食者謀無遠
慮倉皇調發紆皇顧即今宣府大失利殺將覆軍不
知數遼東兵馬久已疲孱顏反復非前時又聞迤北
外連結朝廷坐失東藩離往時京邊士苦樂今頓
異且如私門卒食糧日高坐此兵昨一出見者淚交
墮從令荷戈趁戰場身上無衣服餓餓君不見府中
推牛宰羊猪穿城蹋踰行吹竽高馬肥肉留京都可
憐此兵西擊胡

○○ 遊獵篇

周王八駿行萬里朝遊崑崙暮滄海驅霆策電徧天
地虎驟龍馳倏烟霧犇戎造父兩為佐大人王母遙
相待千金白狐來四荒螻蟻下國輕天王君不見秦
皇叱咤役九有海東驅石石為走橋邊孺子如婦人博
浪沙中鐵椎吼又不見武皇旌旗日絡繹射蛟溷陽
江水赤五陵俠少夜相遇探丸殺吏還驚辟天門
嵯峨城九重虎豹為衛蛟龍宮紫微鈞陳翼帝座至
尊祇合安高崇脫淵之魚出山虎白龍魚服何勞苦
沉江距河勢有然萬重反遭匹夫侮君不見曹家老

奕誠愚蒙平生不識司馬公死生禍福在人手寧能
常作富家翁一門流血豈足惜坐使神器歸奸雄昨
夜昌平人夢天龍文赤日繞燕川城中莫辨真天子
道上傳看七寶鞭腐儒為郎不危從願奏相如練獵
篇

○○ 觀吳進士舞劍歌

我來江夏吳郎宅夜觀吳郎舞劍起古匣塵埃鐵生
繡玉珥金環為予理燈前照耀雙寶刀蛟龍盤擊雷
怒舞瞻仰南斗有紫氣却顧東海無波濤吳郎別我
適南國萬里開樽動顏色我亦將之五岳遊須爾仗

劍芟虺蜮不然持此擊名王況今關塞風塵黃酒酣
自覺神益揚左揮右霍秋月光吳郎此才更精突墻
頭角力十斛平生豪俠真可憐耳熱白眼看青天
嗟哉此宅不足展君舞室卑地窄難迴旋

○○柳絮歌

長安三月百花殘滿城飛絮何漫漫千門萬戶東風
起陌上河邊春色闌美人高樓鎖深院白花濛濛落
如霰晴窓窈窕朝日遲亂入簾櫳趁雙燕遊絲相牽
時裊々委地飄廊不須君不見江頭綠葉吹香綿隨
波化作浮萍草

依二物 ○○明月篇 并序

依三物 ○○僕始讀杜子七言詩歌愛其陳事切實布辭沉著

○○鄙心竊效之以為長篇聖於子美矣既而讀漢魏
以來歌詩及唐初四子者之所為而反復之則知
漢魏固承三百篇之後流風猶可徵焉而四子者
雖工富麗去古遠甚至其音節往々可歌乃知子
美辭固沉者而調失流轉雖成一家語寔則詩歌
之變體也夫詩本性情之發者也其切而易見者
莫如夫婦之間是以三百篇首乎雎鳩六義首乎
風而漢魏作者義關君臣朋友辭必托諸夫婦以

宣鬱而達情焉其音遠矣由是觀之子美之詩
 博涉世故出於夫婦者常少致兼雅頌而凡人之
 義或缺此其調及在四子之下與暇日為此篇意調
 子若髣髴四子而才頗猥弱思致庸陋故摘詞蕪素無
 ○復統節姑錄之以俟審聲者裁割焉

長安月離：出海嶠遙見層城隱半輪漸看阿閣銜
 初照歛●灩黃金波團圓白玉盤青天流景披紅蕖
 白露含輝沉紫蘭紅蕖紫蘭西風起九衢夾道秋如水錦
 幌高褰香霧開瑣闥斜映輕霞舉霧沉霞落天宇開
 萬戶千門明月裏月明皎，陌東西栢寢岵峩望

不迷侯家臺榭光先滿戚里笙歌影乍低濯，芙蓉
 生玉沼娟，楊柳覆金堤鳳凰樓上吹簫女蟋蟀堂
 中織錦妻別有深宮閉深院年，歲，愁相見金屋
 螢流長信階綺櫳燕入昭陽殿趙女通宵侍御牀班
 姬北夕悲團扇秋來明月照金徽榆黃沙白路迤迤
 征夫塞上憐行影少婦窓前想畫眉上林鴻鴈書中
 恨北地關山笛裏悲書中笛裏空相憶幾見盈虧淚
 沾臆紅閨貌減落春華玉門腸斷逢秋色春華秋色
 遞如流東家怨女上粧樓流蘇帳捲初安鏡翡翠簾
 開自上鈎河邊織女期七夕天上嫦娥奈九秋七夕

風濤還可渡九秋霜露迫生愁九秋七夕須臾易感
年一去真堪惜可憐揚彩入羅幃可憐流素凝瑤席
未作當壚賣酒人難邀隔座援琴客心對此嘆蹉
跎烏鵲南飛可奈何江頭商婦移船待湖上佳人扶
瑟歌此時憑闌垂玉筍此時滅燭斂青蛾玉筍青蛾
苦絨怨絨怨含情不能吐麗色春妍桃李蹊遲輝晚
媚菖蒲浦與君相思在二八與君相期在三五空持
夜被貼鴛鴦空持暖玉擎鸚鵡青衫泣掩琵琶絃銀
屏忍對筵篋語筵篋再彈月已微穿廊入闥霜斜輝
歸心日遠大刀折極目天涯破鏡飛

○
邯鄲行

邯鄲道上車馬多行人夜火渡漳河邯鄲女兒年十
五能彈琵琶善歌舞青燈朱戶夜當壚一頭酒熟喚
客沽玉壺青兒為君繫不妨醉向邯鄲途君不見邯
鄲市昔日繫華安可擬鳴鳶佩玉青雲間鬪雞走馬
紅塵裏平原門前客如雲千載淒涼竟何是黃金白
壁成飛灰歌樓舞榭空流水傷心萬事俱可嗟草長
叢臺白日斜廢苑當時在何處舊宮今日作誰家
古來富貴俱寂寞有酒樽前胡不樂

○
玄明宮行

君不見玄明宮中滿荆棘昔日富貴今寂寞祠園復
為中貴取遺構空傳孽臣作雄模壯麗凌朝廷遠勢
連表跨城郭憶昨已巳年來事東權自倚薰天勢朝
求天子苑暮奪功臣第江艘海舶送花石戚里侯門
擁金幣千人力盡萬牛死土木功成悲此地碧水穿
池象溟渤黃金作宮闈日月虹蜺屈曲垂三梁蛟龍
盤擘抱雙闕城中甲第更崔嵬親戚弟兄皆闕闕撼
里歌鐘賓客遊排門冠劍公卿謁生前千門與萬
戶死時不得一丘土石家遊魂泣金谷董相然臍
嘆堦鳩宮前守衛無呵呼真人道士三四後石戶蒼

苔生鐵鎖玉階碧草搖金鋪星宮畫闈見行胤日
殿夜禱聞啼狐遊客潛窺翠羽帳市子屢窺金香
鑪桑田須叟變滄海桃樹不復栽玄都我朝中官誰
貴最前有王振後曹氏正統已前不得聞成化之間
未有此明聖雖能斷誅罰作新未見持細紀天下衣
冠難即振中原寇盜時復起古來禍亂非偶然國有
威靈豈常持玄明之宮今已矣京師土木何時止南
海猶催花石綱西山又起金銀寺君不見金書追奪
鐵券革長安日日迎護勅

○ ○ 苦熱行簡問陶良伯

六月二十火雲發京師毒熱勝吳下清晨衣冠不敢
出對食欲餐汗滿把閉門袒跣真發狂隱几寤寐何
由假風雲昨日忽入城疾雷破墻雨破瓦此地樓臺
更鬱蒸西山殿閣空瀟灑姑蘇才人玉堂客鄰近不
得同盃竿因君欲訪姑蘇臺，下清江千尺瀉上
有萬竿脩竹林干雲蔽日森炎夏君不見九衢亭
午日如指鳥飛投林獸奔野紅塵騎馬何為者

脩竹篇

君不見真翁堂下竹貫日干雲千尺高亭，萬木避
霜色飈，空巖迴翠濤平生直節奉無偶手裁琅

玕種瓊久風月何曾忘此君松梅况自稱三友東
曹郎君翁所奇節概更與翁名齊神龍昔向滄波
化彩鳳今從玉樹棲高堂茲辰開壽籙却洗金盤
對春竹霓旌畫下仙人車雲管宵停羸女曲翁家
舊住上林西托根自近蓬萊池雪崖冰柱映樓閣雨
露常沾萬歲枝

七夕詞

雙星渡河月西沒悲參怨商愁夜獨霄闌箕斗自
低昂心憐情恨看七襄人生失意無賤貴寒機織婦
鴛鴦思金屏玉瑟宮娥淚

○○同崔呂孫三內翰集徐子瞻辰樓

秋日徐君北樓上北樓岿堯連北斗窓牖臨觀日下
花闌干坐拂天中柳南州孺子美如玉北門詞客同
盃酒咫尺金門接玉堂碧霄共立空翹首

○○晚雨君卿招不赴

騎馬出門還復入六月陰晴不可卜簷前星出乍有
無城上雨來時漸續炎天留客夜苦短燕地近秋暑
偏酷何人同對寺中花憶爾獨伴啼鳥宿

○○觀石鼓歌

我來大學謁孔廟下觀戟門石鼓陳之杲詛楚幾埋
沒此石照耀垂千春苔昏蘚澁讀難下虫彫鳥剝
細不分古畫詰曲蛟龍隱石氣慘淡烟霧氣周王功
勳史籀筆數石散落岐陽濱中興氣象豈復覩大篆
意格誰曾聞先秦文字稍近古兩漢摹榻多失真六
朝以來尚靡麗鍾王往々稱通神唐韓宋軾進歌嘆
長篇險韵何悲辛大觀之間入汴國君王好藝崇斯
文高駝巨艦遠載致金填玉嵌傳相珍靖康乘輿忽
播蕩保和玩物隨烟塵神駟鬼守散復聚至寶豈得
空沉淪文皇北來定燕粵不置太廟由成均博士無
煩上書請諸生頗得親講詢虛廊畫壁安置穩大厦

長簷覆蓋新不隨鍾鼎怨磨滅已與琬琰爭嶙峋
生博覽愛古跡世上墨本徒紛紛此雖殘缺歲已久
尚覺隻字輕千楮壁池日月動華衣奎閣星斗羅貞
珉嗚呼孔廟在萬世此石與廟長無湮

○○同李進士觀銅雀硯歌

君不見鄴中魏帝無宮殿千秋遺瓦磨為硯墨客騷
人空嘆嗟朱甍綺構誰曾見李君好古精鑒別冬天
拂拭開烟雪虛堂叩之哀玉音泥沙洗出黃金屑廣
州紫石鸚鵡眼歛山龍尾何希罕濡藻光迴星漢垂
蟠花背刻龜螭斷共憶高臺羅綺春翠眉艷骨飛黃

塵提携故物悲年代感慨新章泣鬼神君不見臨
漳此物唯復覩河沉岸圯求者苦縣人相傳為贗
古嗚呼日極西陵土

○○太白山歌 秦集

我聞太白橫西域百里蒼々見寒色靈源萬古誰窮
探雷雨窈冥巖洞黑中峰迢々直上天瑤宮玉殿開
雲烟千盤萬折不到頂石壁鐵鎖空高懸陰崖皚々
積古雪絕壑長松幾摧折鳥道斜穿劍閣雲龍潭倒
映峨眉月高僧出世人不知飛仙凌空笙鶴隨洞天
福地在咫尺悵望塵海令心悲

子昂畫馬歌

學士宋王孫畫馬皆龍姿曾寫飛黃出天廄
白馬雲影落瑶池三頭馬官錦靴袴緩鞵長
牽時拂顧千里精神開絹素百年毛鬣生風
露吁嗟內京無人後想見奔騰過都國翠仗
朱軒教往來金羈玉勒增顏色只今天子罷
南征又聞東巡遼海城安得四馬忽生登
臺一顧千金輕天上常隨八駿行

何大復先生集卷之十四終

